

Korosihyaapi Utipiho Kimandi Korosihyaapi Utipimandapi Nesipihande

Napwitohipipihĩ Porĩho konĩhi napwĩtatĩ bindataatĩ kĩmo utipĩmo jĩpatĩpiyataise 62 A.D. hura. Yapĩpatĩ Garesiyaahanda piwĩha asiwa nehĩha katĩwunjohĩpatamataiwĩ amĩ aunahĩpa Korosihandaahiyaatangisangi naasĩkatĩ kaiwĩ isĩhiyai katĩwunjawaapo. Katĩwunjohiyĩhiya usa sapĩhi napĩwĩ winĩhapĩpa jĩhi japepihĩrohĩwaiwaapi kaiwa kiya japepihĩrĩto tiwĩ kiya katĩwunjauhi kiya Korosihya piwĩha akaahe, tiwĩ gwĩnyaawaapo. Siyauhi Porĩho jĩpatĩpainĩmandĩ kiya piwĩha siyahaiwa wĩndĩ baiwĩ atĩhomaawiwĩ nehĩ Kĩraisihomĩ nausainjĩtĩhandapunĩ Komĩ watĩpĩhandapunĩ Sawahopunĩ gwĩwunyaitaatĩwĩ kaundatĩ Porĩho jĩpatĩpiyataise.

Korosiyaahiyaapi Pĩwĩha Napĩmasataise

Komĩ piwĩha namasatĩ kaundatĩ ipĩhĩrete undatĩ kaundisĩha (1:1-7)

Kĩraisihometirĩhĩretapunĩ amĩ ko nyapĩ kaimbĩpaapunĩ nunjatĩ kaundisĩha (1:8-2:19)

Wanĩhĩri gaahĩretĩ bimĩtaapĩhĩretĩ siyate undatĩ kaundisĩha (2:20-4:6)

Porĩho komĩ piwĩha osasepihaatĩ owematĩ ipĩhĩrete undisĩha (4:7-17)

Kimandi Utipimandi Kiraisihomi Isihiya Aunahipati Awaipati Korosihanda Bimohiythiyaapi Porho Jipatipaindhande

1 Ninĩ Porihonĩnĩ Kiraisĩ Jisaasiho nĩngĩ komĩ pĩwĩha awusaitandĩ kandatĩ natanoaasisĩhonĩne. Autaahaatĩho sawaho maaritatĩ gwĩnyaasitĩhandaaahĩ Kiraisiho nĩngĩ komĩ pĩwĩha otĩpĩpatĩ naninyatĩ natanoaasisĩhonĩne. Iyataatĩ nyamĩ naisoho Timoteho nyamatiyatĩ Kiraisihopĩ gwunyaasĩho nĩngisatĩ maasi kĩmbĩhĩ kĩmore.

2 Aihĩ ninĩ Timotehoaisatĩ maasi bindĩhaawĩ sahi Kiraisihoai nĩwipinjawi koaisawĩ tĩmaamaitĩwĩ naasiyaatimatĩwĩ, amĩ Autaahaatĩhomĩ isĩhiyaatĩ aunahĩpatĩ awaipatĩ Korosihanda bimohiythiyaatapĩ kĩmandĩ utĩpĩmandĩ jĩpatĩpiyataayo. Jĩpatĩpiyataatĩ sangĩ yĩhoaanĩ sataha, nyamĩ Apĩho Autaahaatĩho sangĩ komĩ gaahandĩ kasisatĩ andĩtisaiwatĩ amĩ samĩ maarĩho omanĩtĩtĩhĩ netĩ yatĩhĩsiwatĩ japatĩsatĩ napaisaatisamane, satĩhaato.

Yĩhoaanĩ Sapi Autaahaatĩhoai Gaahone Undĩha Pĩwaundĩhaato

3 Yĩhoaanĩ Autaahaatĩhoai pĩwaundĩhaahura sapi nasisoarĩ gisunyaaha Autaahaatĩho nyamĩ Awaisĩho Jisasĩ Kiraisihomĩ Sapĩhoai, 'Kĩnyĩ Gaahone gaare,' undĩha pĩwaundĩhaayo.

4 Yĩhoaanĩ Autaahaatĩhoai, Kĩnyĩ Gaahone gaare,' undohĩtĩmandĩ amĩ sahi Kiraisĩ Jisaasihopĩ andĩtitĩwĩ gwunyaapi, amĩ sahi Autaahaatĩhomĩ isĩhiya nahatĩyai samĩ maarĩho nunyohĩtĩhandapĩ yĩhoaanĩ aimĩ atisĩha nehaawe.

5 Iyaha ami sahi wuwanihura jhi Pwaha Waniha Gaaha sangi ishiya nesipwi kasatauhi, ami sahi atisawaawi kaapi pwaha akiti akaahaare, ami ishiya akaahe tiwi atiwi naitaatiwihaare, tiwi gwinyaawaayopo. Gwinyaawaawi ami kahapaamapi gaahaiwa ipotihura sangi Autaahaatihon nasamitandi nasamihanati ahisih yamihapataatih ahsotiwaiwaapi akiti naito tiwi sahi gwinyaapi jatawaayopo. Ami sahi saiwi jatawaahiyaatisi sahi Kiraisihopi akitinhi watipitiwi gwunyaapi ami Autaahaatihomi ishiya nahatiyai maariho nunyawaayopo.

6 Iyataati sa piwa waniha gaaha yapih nahanda ishiya nesi daiwi ausaawaayopo. Ausaahauhi ishiya taahiyihiya atiwi nepemaitwi ka pwaha japepihirwi Kiraisihopi gwunyaawaayopo. Gwunyaahauhi ami pwaha Gaahaapuni ami Kiraisihopuni gwunyaahohiyihiyaami pwaha dahopa ami wapa kiya kiyohwaiwa nga titih noaipataise. Ami sandih sahi wuwanihura pwaha waniha gaaha Autaahaatihon sangi sahi wapa gaahapa windi kamaiwi nehhandi gaahandi kasindhandapi pwaha akaaha namasawi atisauhi samhatih gaahaiwa nasoaipasih mmoniw nehohipatamatiyati kiyaisi nusoaipataise.

7 Iyataati sa Pwaha Waniha Gaahaapitaha Epapiraasiho sangi ausati kasatati katisisataise. Katisisih sahi ka pwaha aimi atiwi mmoniw nehopo. Epapiraasiho so Kiraisihomi otipatiho gaahore, ami ko Kiraisihomi

otipipati napaitati kiyahoso. Ami ko nyangisati Kiraisihomi otipipati ninawipihikiyaahotihinyahikoai nyami maariho akitinihinyunyaahore. Iyataati ko sangi biyati jatatamanati anditisiwati Kiraisihomi otipipatinyahKiraisihomi otipipatihyaanini usaanami aunahipati neti samihatihiotipipatikiyataise.

⁸ Iyataati ko nyangi sahi Autaahaatihomi ItipihonetianditisaisihAutaahaatihomisisihyai maarihonunyahitihandapikanyatataase.

Korosihyai Autaahaatihon Anditiwivitandi Porihogaapundataase

⁹ Ami saiwa nahatewa sangi nasoaipasiwimaiwaapi yihoaapi wuwanihuranamasiha sapi piwihatisohururaapi windinamaamihaha kuraaninihinasisoaripapi Autaahaatihoi piwaundiha gaapundihaayo. Gaapisundiha Autaahaatihoi nunjenihaayo, ko sangi anditisiwati neti gisunyaahonihiamisahi ko maaritati gwinyaasipipabaiwi akitinihimmoniwigwinyaapi nepijapepihiritatiwo. Komiti Itipihosangi Autaahaatihogaahaiwa gwinyaasiwaiwa sami omanititihiamiamitiheti neti gisunyaahonihisahikaiwa tisaipingana naitatiwo.

¹⁰ Saiwi tisaipi newaawi Autaahaatihoisihiyadaiwi bitoaitatiwi maaritati gwinyaasirihiretisahijapepihiririwai daiwi bitoaitatiwo. Aiwi amisahinasisoari isihiya usaisinehi gaahatikawiwiamisahAutaahaatihopimmoniwigi

gwinyaaahohitihandi waati awaindemapi
mmoniwi gwinyaitaatiwo.

11 Yihoanji sapi siyaha gaapundihaayo,
Autaahaatiho komi watipihandi gaahandi
awaindihanda sangi neti anditisiawati
watipihandi apipaahi gaahandi sangi nasanyati
sami maariho omanjitihi neti anditisiawati
watipisamaitando. Watipisamahonihi
andititiwi yaasati naanjhaiwa ami
nasisesiwaiwa maariwi nga nepi bitoaitaatiwo.

12 Saiwi sahi maariwi Apiho Autaahaatihoai,
'kinyi gaahone gaare,' unditaatiwo. Ami
ko sapi gaahaiwa kahapaamapi pa sahi
naitaatiwi nasamihainjipipa nga naitaatiwi
sangi neti anditisisihi sahi gaahapa kaiwi
japepihrawaayopo. Isi kapa sahi komi isihiya
komi nausainjitihandaatihimohiyihiyaisawi
maasi naitaapo.

13 Iyataati ami ko Autaahaatiho
nyangi asihatindihandi Bwaasirihiri
jatindihandaatihapi tinjaati nuwati
nanyamaati, ami komi Mwaaho ko maariho
apipaahi aungwohandi numwisiho Jisasi
Kiraisiho nausainjitihandisati komi isihiyai
iwinjatisawihyaamihioaanjenyamataise.

14 Ko Autaahaatihomi Mwaaho nunyanati
nyangi nanyamaati ami nyami maipihaiwa ko
nenyumataise.

*Kima Piwaha Kiraisihopuni Ami Komi
Otipipatihyaapihare*

15 Kiraisiho Autaahaatihomatiyahore. Iyati
ko Autaahaatihomi titihi siwipate. Isi isihiya

Autaahaat̄ihoai w̄ind̄i mausonawaahand̄i kand̄i K̄iraisiho utaahoematat̄i yap̄imbataap̄ih̄i noaipat̄i bimisura is̄ihiya koai usonawaaw̄i kom̄ihetap̄i Autaahaat̄ihop̄i mmon̄iw̄i ḡiwunyaatataise. Iyataat̄i Autaahaat̄iho kaha-paamap̄ipa nahataapa kiyat̄i ahaimb̄ipa kapa sanḡi noaipasuraap̄i K̄iraisiho Autaahaat̄ihom̄i Mwaaho j̄ihoematat̄i aunah̄ipat̄i net̄i ko j̄ih̄i bimis̄ihos̄i, am̄i nahataapa Autaahaat̄iho kiyat̄i ahaimb̄ipai nusatip̄ihaat̄i autah̄i m̄it̄iho j̄ihoematat̄i bindataise.

16 Iyat̄i kim̄iko Jisasi K̄iraisihom̄i wat̄ip̄ihandaah̄i kahapaamap̄ipa nahataapa yam̄ihapataat̄ihun̄i am̄i yap̄ipataap̄ihun̄i ahotimb̄ipa kiyat̄i ahiyataise. Iyat̄i am̄i nahataapa auta ahotih̄i nyah̄i nyam̄i nd̄ihaara nga biyaat̄i mmon̄ihoh̄ip̄ipaun̄i, am̄i wapa auta w̄ind̄i ah̄motih̄i mon̄ihoh̄ip̄ipaun̄i nahataapa Autaahaat̄iho kiyat̄i ahiyataise. Iyat̄i am̄i nahataapa Autaahaat̄iho kiyat̄i ahaimb̄ipaam̄ihat̄ih̄i wiwa it̄ip̄iho yam̄ihapataat̄ihap̄ihaiwa enjer̄ihiya, am̄i it̄ip̄iho wiwa wat̄ip̄ihaiwa wat̄ip̄ihandisahaiwa am̄i wapa kahatamat̄ipetahaiwa wat̄ip̄ihaiwa wat̄ip̄ihandisahaiwai maaw̄i kiyat̄i ahiyataise. Saiwa K̄iraisihoaisatun̄i am̄i kopun̄i Autaahaat̄iho kiyat̄i ahiyataise. Am̄i kaiwa nahatewa K̄iraisihoai net̄i n̄iwimaat̄i koai amb̄ipat̄i awaipat̄i numw̄itaat̄iw̄i Autaahaat̄iho kom̄i Mwaaho Jisasi K̄iraisihop̄i kiyat̄i ah̄wisataise.

17 Iyat̄i K̄iraisiho saiwa kahapaamap̄imba nahataapa sanḡi noaipasura j̄ih̄i ko bimis̄ihore. Is̄i

ko Kiraisihopi nahataapa Autaahaathiho kiyati ah>wimbipai ko Kiraisiho sawaho neti itatamanati anitisiati isiwatati jatih, ami kapa neti kapaami ahotimbipihi tithi komi ikwiraathihi itatamaninani ahotimi notaise.

18 Iyataati ko Kiraisiho komi ambipatami mitiho awaisiho jihore. Iyataati komi ambipati sati isihiya nahatiya kopi gwunyaahohiyihiyaare. Iyati isihiya nahatiya kopi gwunyaahohiyihiya kiya maariwi mbipa dithiri nepi, ami asiyhiyaimatiwi bimohitihandami ko sawaho tanyaahore. Ko kiyaisi kiyaami maariho maariwi dithiri mbipa nepi maariwi asiyhiya daiwi bimohitihandi asisaha nahateweti nunyataise. Kiya koai iwinjapepihiriwi asiyhiyaimatiwi nepaitatiwhandapi ko Kiraisiho namasati kiyati jhoemati animwaahipatombi isihiya napopi nanoposohiyihiyaami jho ko nepataise. Ko jhi nepasitimandi ami ko nahataapa kahapaamapipaamuni ami isihiyaamuni awaisiho jhoematati aunahipati jhi naitande.

19 Ami sandhi Autaahaathiho sawahometirihiiretihazaiwa nahatewa ko gwinyaati kiyati jati mmonati maariwaiwa nahatewa kaiwaanhi komi Mwaahomiheti ahियonhi komiheti tisaitati ahotitandi Autaahaathiho maariati gwinyaataate. Siyataati ami Autaahaathiho komi Mwaaho Kiraisihomiheti tisaahiwati ahiyataise. Ami Mwaaho komi Sapihometirihiiretihazaiwa neti Autaahaathomatetahotitando.

20 Iyati kahapaamapipa nahataapa yapipataapihuni ami yamhapataatihuni

ahotimbipa neti Autaahaathiho sawahoaapihi kapaisati komi maariho timaamaitati yathi uripatisanati ami napaisaatititandi komi Mwaahoai neh iwinjasihi ipi titihi atawihateti napoti jitipati nuhaataise. Ahi sati jitipati Kiraisiho nuhaasipitaahi Autaahaathiho isihiyaisuni, ami kahapaamapipaisuni neti sawahoaapihemati piwaundati kiya isihyaapun ami kahapaamapipaapuni koaisi apowih manditwisati itihundati tiworhoemainjtitihandi namati komi maariho yathiwitati napaisaatindaise.

²¹ Iyataati ami sahihi jihura Autaahaathihoapihapi kaanihi nawisawi sangi yandih Autaahaathihomi tiworisaatimatwi bimambiwihyaate. Aiw sahi yandih bindawaawi maipihaiwa gwinyaapi ami kapa sahi gwinyaahohipipa kiyawaayopo.

²² Sahi saiwi bimauhi ami Kiraisiho ipi titihi atawihateti nimaatati napotaise. Napwih ko napwindihanda Autaahaathiho sangi nasamaati komi naisihyaatesamati piwaasatati nahosisataise. Ami sandi ko sasindimandi ko sangi nasamaasi sawahoaapihi niyonihi sahi noaipapi ko sawahomihyaatimatwi titihi gaahiyaati saasanotahiyaati komi ndiheti ainahiyihyaatimatitaatiwe.

²³ Ami sahi satiw nyangi Kiraisiho japihi nanyamaitandi napotaiso, tiwi andititiw kop piwaha wanaha gaaha sahi atisohihaapi gwunyaapi bitotawaawaaho. Iyataati piwaha sa wanaha gaaha sahi atisohiha ka ami isihya nahatiyai kaundiwi katiwunjauhi

nahataapipihī atiwi nepi kaapi gwinyaahauhi, amī ninī Porihoninisangi piwīha sa Kiraisihopiha ausaitandi Kiraisiho ahinīhi komi otipipatihoninimatataayo.

Porīho Kiraisihomī Isīhiyai Anditīwīwītandī Otīpīpatī Kiyataise

²⁴ Kiraisihopi gwunyaahohiyīhiya siya Kiraisiho sawahomī ambīpatamataiwīhiyaare. Kiya saiwi komi ambīpatī ikwauhiyaasi ninī kiyai iwītatanatī anditīwīwītandī nisi ambīpatetī apīpaahi yaasati tiwati mīnīwīhaiwa taati wanī ninī nehohīwīmaiwa maaritī netaayo, amī Kiraisihomī ambīhiya kopī gwunyaahohiyīhiyai anditīwīwītando. Iyataati saiwa nisi ambīpatī yaasati tiwati mīnīwīhaiwa nehohīwīmaiwa Kiraisiho sawahoaisangi taati netaise, amī nisi ambīpatī koaisati tīmaamaitohītīhandā noaipati komi ambīpatī ikwauhīrimatahatiso. Nisīhetapi Kiraisiho komi ambīpatī yaawati tiwati murīwahaiwa kopī gwunyaahohiyīhiyai iwītatanatī anditīwīwītandī nesīwaiwa sangī netī amī sangī owetise. Isī amī ninī nīwahonisī ambīpatī yaasati tiwati mīnīwīhaiwa nehohīwaiwa Kiraisiho ninī koaisati maasi tīmaamaitohītīhandī sangī netī owemasīwaiwa ninī netī gaamaitandī taati netaayo.

²⁵ Nyahī Judaahiyaanamī dawaapīpīhiyaatangi komi piwīha kasatī anditīsiwītandī Autaahaatīho komi otīpīpatī ningī naninyati nanīmīhainjīhī noaipati samī

otipipatihoninimatataayo. Komî piwîha nahata kaanîhi gaamatî sangi kasatîtando.

26 Komî piwîha sa isîhiya nahatiya jîhuraahiyaî wîndî ausaatî nunjatî kamundatî noasatî isîwatî bimainjatî wanî kîmura komî isîhiyaî auta ausaimanatî nunjatî kaundisîhaaro.

27 Iyataatî komî piwîha sa isîhiya nahatiya jîhuraahiya wîndî atîhomiwî amî monîwîhaare, amî ko kiyai wîndî nunjatî kamundiho. Sawaho maaritatî gwînyaasîtîhandaahî nyahî komî isîhiyaanî Kîraisihopî gwînyaahohiyîhiyaanangi komî piwîha jîhura noasandisîha Autaahaatîho wanî aimî netî nanyisataise, amî nyahî mmondîhaawo, piwîha sa apîpaahî gaahaasî isîhiya nahatiya nahataapîpîhiyaî iwîtatamanîtandîhaaso, taato. Iyataatî piwa sa jîhura noasandinjîhaare toha siyahaapîto. Kîraisiho wanî yaho samî maarîhoatîhî bimotî amî sangisatîndaise. Ko siyatî samî maarîhoatîhî bindataatî ipotîhura komî apîpaahî gaahaiwa yamîhapataatîhî sahî naitaatîwî jaawî bimîtaatîwî ko taatî sangi netî tisamanataise.

28 Aihî amî nyahî Kîraisihomî otipipatihîhiyaanîni piwîha ko Kîraisihopîha isîhiya nahatiya nehî nînaasiyaisaahîhi yiyandîhiî auta ausaawaatî wapa sapa sahî kaiwîse undaatî kaundatî, amî kataunjawa amî wapa sapa sahî wîndî kamaiwîse, undaatî wînihundîhaato. Siyahaawî amî amîtiha gaahaiwa biyaatî gwînyaawaatî gwînyunyatîtandî Autaahaatîho nanyamisîhaara

isihiyai piwaha ausaawaati auta kaundaati winihundaati ami katawaunjahaayo, ami isihiya ninaasohi ninaasaami Autaahaatihomi maaritai gwinyaasipipa kiya ninaasiyaahi kaiwi bitoaitaatiwihapa wapaapi kiya windi nenoaahitai, ami nausetimetwi ami Kiraisihoaisawi timaamaitwi utaaho nehi naasomataiw noaipaitaatiwo.

²⁹ Ami saindi isihiya nahatiya ninaasohi ninaasaamih neti Kiraisihoaisati timaamait wisasisanihi kiya Autaahaatihomihapa wapaapi windi nausetimetahiya noaipaitaatiwihandapi nini Kiraisiho nngi anditiniwat komi watipihandi nanmindihandaah otipipati apipaahi watipihati kati nini watipindi kiyataayo. Kiyonih nngi Kiraisiho komi watipihandi naninyati anditinisitihandi auta noaipataise, nini otipipati kiyohirihiretapo.

2

Nyah Kiraisihopi Watipitaati Giwunyaawaati Piwaha Jaipapai Tiwandawaamaitahaawo

¹ Ami nini sangisuni ami Kiraisihomi isihiya aunahipati awaipati Reotesiyaahandaahiyaisuni, ami Kiraisihomi isihiya usa nahatiya nisi ambipati ndimaahomwaan maanohohiyahiyai maawi anditwiwitandi nisi anditai napamati dipwaatohitihandapi sahi gwinyaitaatiwi kasatitandiyo.

² Nini saindi kiyohitimandi ami sahani kiyauhi sahi nahatiyaati sami maarihooatih omanititih sahi andititaatiwihandi tisaitwi nepi ami sahi Kiraisihomi

isihiyaati baiwi timaamaitiwi maariho namindaatiwe. Aiwi sahi Kiraisihopi giwunyaahohitihandi anditisiawitandihandi gaahandi gwinyaitaatiwe. Aiwi ami siyawaawi kandaahi sahi Autaahaatihomi piwaha noasandisahaami tanyaahaapi baiwi mmondaatiwe, Kiraisiho sawaho Autaahaatihomi piwaha noasandiwaiwaami tanyaahoso.

³ Komiheti Autaahaatihomi piwaha gaahaiwa ami gaahandi gwinyaitihaahaiwa nahatewa tisaitati noasandataise, nawihomi anjipipihi nawiho waati tisaitati ahotipatamatiyato.

⁴ Utaaho wo sangi piwaha atipati nasanyati kasatati jaipipa kasatitandihandapi pondihimi ami ninipi piwaha sa kandaato.

⁵ Ami ninipi sangisati maasi windi bimimonihi sahi nisi ndimaahomwaanji ambipati windi maanohopo. Saiwi windi maanohauhihandi kandi nisi maariho sangisati maasindaise. Iyataati ami ninipi gwinyaataati saindi gwinyaataayo. Ninipi sangisati maasi bindataati sahi watipihyaati titihi watipitiwi bitotawaawi Kiraisihopi watipitiwi giwunyaahauhi jasoti maaritataayo.

Isihya Akiti Asitimatitaatiwihandi Jisaasihomiheti Tisaitati Ahondaise

⁶ Ami sahi Kiraisi Jisaasihoai aimi numwaapi koai sami awaisihoemapi kopigiwunyaawaayowi sahi komiheti wirandiwise. Koaisawi maasi nasisoari daiwi bitosawise.

⁷ Aiwi komihetapi sahi kopigiwunyaahohitihandi anditititaatiwihandi

nepise, ipati katami damipati tambatihiri mahaapi baahi yapipataathi naihi watipihati titihi aheti patamataiwo. Ami anaanji yasiha watipihaasinii watipihaanji anjimatindipatamataiwo. Aiwii piwiiha waniha gaaha Jisasi Kiraasihopii sangi katawaasasohihaapi andititiiwi gwinyaaapi amii akitihaaso tiwii anitiwii isiwatiwii, amii jinjapithii kiyaatinihii Autaahaathiho nyamii, 'Apthoai gaahone gaare,' undiwise.

⁸ Sahii baiwii jatiniiwo, amii isihiiya usa isihiiyaamii nehii gwinyaaahohiwaiwa jaipipa ausaapi amii piwiiha nehiihaiwa taanauhiiha kasatisaihi amii sahi wiwa kaiwa atiwiwii iwinjapepihiritaawo. Isihiiya siyohiyiihiya nehii kiyaamii saisatoya isihiiyaamii piwiiha gwinyaaahohiwaiwa amii itipiiho maipihapa yamihapa tiwiiapatunii amii yapipataapihunii jatimbipaamii gwinyaitaatiiwiihandii nepihaiwaare. Kiraisihoapihapii ko gwinyaaasitiihandii kiya saiwa nepihaiwaamaahe. Owetise.

⁹ Sahii sawanaatii aimii mmoniiwi gisunyaatahiyaate, Kiraisiho nyahii isihiiyaanamii ambipatii netii akitiiniii utaaahomatiiho. Satii komii ambipatii utaaahomiihatetii Autaahaatiihometiriihii retiihaiwa nahatewa tisaitatii ahondaise. Ahotiihi amii Kiraisiho Autaahaatiihomatiiyahore.

¹⁰ Iyataatii Kiraisiho kahatamatii petimbii pa nahataapa watipiihaiwa watipiihandii sahiiwaamii miihiho jiiho awaisiihore. Sahii Kiraisiihomiihiyaatiihi amii sangi Autaahaathiho asitimatii taatiiwiihandii nasamiihi, amii sahi sandii

asitimatitaatiwihandi apipaahi nga tisaipi newaayopo.

11 Iyataati ami sahi Kirasihoaisawi timaamaitiwi komiheti wirandohitihanda sahi noaipap+ aimi sami ambipati namandipap+ ahoaandahiyaamatetawaayopo. Ami sandihi ambipatamihandimahe, isihya namandipatohirihireto. Kiraisiho sawaho sandi sangi kasisataise. Iyati sami maar+ho jah+ho maip+haisaisati Kiraisiho nesamataise.

12 Iyataati sahi waapoho nehohura Kirasihoaisawi timaamaitauhi Autaahaatiho sangi neti Kirasihoaisati maasi animwaahipatopi yasmwaasihyaamatetawaayopo. Iyataati ami Autaahaatiho komi watipihanda Kiraisihoai japihi animwaahipatombi ahowimati numwaasitihandapi sahi giwunyaahohitihanda Autaahaatiho komi watipihanda sangi maawi Kirasihoaisati japihi animwaahipatombi isihya napohiy+hiyaam+hat+hapi ahosimati nasamaasihyaamatataiw+ noaipawaayopo. Sahi waapoho nehohura sandi sangi sasimatataise.

13 Ami Judaahiya Autaahaatihomi isihyaami dawaataatapihiyaati win+hapi+pa Autaahaatiho Mosesihoetapi komi isihya Judaahiyai numwimbipa sahi moniw+ owehiyaate. Saiw+ jihura sahi maip+haisa titihimetihaisa kihaisa kihaisa kiyauhi kaiwa sangi neti tiwati yasmwaasih+ sami maar+hoat+hi napomawaayopo. Sahi saiw+hiyaati setahiyaatitihandi kandi Autaahaatiho sangi neti Kirasihoaisati

asiy+hiyaatesamati asitimat+taatiw+handi
nasanyataise. Iyati Autaahaatiho nyami
maip+haiwa titi+metiwaiwa nahatewa
nenyamataise.

14 Win+hap+pa kapaaraahi Autaahaatiho
nyangi sanyatati sahi sami maip+haiwaapi
piw+ha naitaatiwo, nyatati jipati+paihi
jipati+pindati kapa nyangi neti kapaami
otitihi nanyapuwati nyaiwatati nyami
maip+haiwa autemati nanyisataise. Kapa
siyati piw+ha naitaatiwo, tati jipati+pindimbi+pa
nahusamati Autaahaatiho kapai kapaami
watipi+handisati neti owemataise. Neti nahusati
owemati Kiraisihomi ipi titi+hi ataw+hateti
tipi+mandaataise. Kiraisiho nyapi ipi titi+hi
ataw+hateti napwisuro.

15 Iyati Kiraisiho napotati japihi nepasura
Autaahaatiho itipi+ho watipi+haiwaami
watipi+handi neti kandin+hi yatihiwati owemati,
ami wapa wapa watipi+handisahaiwaisangi
tiwati ipatisati owemataise. Sandi auta
Kiraisihomi ipi titi+hi ataw+hateti Autaahaatiho
satati, nini nahataapa kahatamatipeti+hapa
watipi+haiwa kaiwaami watipi+haiwa nahatewa
titi ipi+hatindi yatihiti neh+haiwemati
owemataayo, tati isihiyai neti nunjataise.

Nyah *Kiraisihoaisati* *Aimi*
Napowaamihaayoni Win+hap+pa Wiwa Nyangi
Windi Titi+hemaanyamataise

16 Isi ami sahi utaaho woai neh+
nan+haiwi iwinjasahi ko sangi ikwisisati
samaasatane, sahi nandapa waapoho

nan+iwuni+ ami+ namandaat+iwuni+ win+ihap+ipa
 ahotimb+ipa w+indi+ minjapepih+i+r+iw+i+ ami+
 asis+iha awaiwaiwa Autaahaat+ihop+i gw+inyaapi+
 gaapund+i+taat+iw+i+huraapi+ win+ihap+i+pauni+
 ami+ waat+iho wani+ho asoho noaipasura
 Autaahaat+ihop+i gw+inyaapi+, 'kinyi+ gaahone
 gaare,' und+iw+i+ gaapund+i+taat+iw+i+ win+ihap+i+pauni+
 ami+ asis+iha ik+i+ndaat+iw+i+haami+ win+ihap+i+pauni+
 w+indi+ minjapepih+i+ropo, satato.

17 Saiwa ami+ wapa ak+i+pi+pa ipot+i+ noaipai-
 tand+i+haiwa taat+i+ napih+i+haiwaami+ neh+i+ suwipat+i+
 j+i+h+i+ nasataise. Saiwaami+ t+i+t+i+h+i+ ak+i+pi+paahi+
 K+i+raisihoe. K+i+raisihosi+ ami+ ko sangi+ jap+i+h+i+
 nasamaat+i+ nasamaasi+ Autaahaat+i+hom+i+hini+ det+i+
 niyataise.

18 Utaaho satati+, sahi+ n+i+n+i+ kasatoh+i+r+i+h+i+ret+i+
 Autaahaat+ihop+i+ gw+inyaapi+ gaap+i+mundopo,
 satis+i+hoai+ sahi+ naingaapi+ w+indi+ maawinjasaw+i+
 at+i+homaawiw+i+se. Utaaho wo sasatis+i+hoaiso, n+i+n+i+
 kasatoh+i+r+i+h+i+ret+i+ ipatisan+i+w+i+ yam+i+hapataat+i+hap+i+
 it+i+pi+hiyaapi+ atot+i+pi+wesaw+i+ kiyaami+ amb+i+pat+i+
 n+i+wimap+i+ gaap+i+mund+i+w+i+ ami+ sami+ amb+i+pat+i+
 tip+i+ mupw+i+ yaaw+i+hand+i+ w+indi+ namunyopo,
 satis+i+hoai+ sahi+ w+indi+ at+i+homaawiw+i+se. Ami+ sohi+
 wiwa ak+i+pi+pa tanyaaha owehand+i+ neh+i+ koai+
 naimaatat+i+ genanataiso. Ko yapepat+i+ yapenat+i+
 mmos+i+r+i+h+i+retapi+ naimaatat+i+ genanataise.
 Iyataat+i+ ko wiwa mmonahaiwaa+i+ kandaase.
 Iyat+i+ ko maar+i+ho jah+i+hom+i+haiwa japepih+i+rati+
 am+i+ti+ha gaahandi+ gw+inyaat+i+hon+i+niso, tat+i+
 naimaatat+i+ kandaase. Isi+ ami+ sahi+ koai+ neh+i+
 nan+i+haiwi+ iwinjasaihi+ ko sangi+ net+i+ w+indi+
 maasapatisane.

19 So saiso Kiraisiho nyami mitihoaisati timaamaitiri+hira daihira aimi namasihi neti niwipitih+hore. Ami so mitiho ko ambipati nahatepi jatati nandapa ami waapoho nunyataise. Nunyati anditati usetiho nahotaaha nahandi biyati bitati ambipati ahendaise. Ami ambipati Autaahaatiho kati gwinyanati watipititandi gwinyaati maaritiri+hireti gwinyanati noaipati watipititando.

20 Sahi aimi Kiraisiho napwisura koaisawi maasi napomawaawi itipihoyamihapati ami yapipati jatimbipaami watipihandaatihhi bimimopo. Saiwi windi itipihoy watipihandisahapaami otitihhi bimimowi sahi napindapi winihapipa wapa satahapa,

21 Kinyi kimba wapa mipe, kinyi nandapa sapa nepi namaanime, kinyi yahapa wapai isipi namumwatime, tihapa taawi japepih+ropo?

22 Winihapipa sapa wapaapi katimbipaahi kapa nyahi newaati kapaara wapa otipipati nunya kiyaati ami nanihonihhi keti kuraanihhi neti nopisasinati owetitandihapaapi kandaase. Iyataati nehi ishiya kiyaami gwinyaahohitihanda winihapipa saiwa katiwi wisasawi ahiyaw japepihir+iw+ise, nyatauhi nyahi ishiyaan+ni japepihir+haayo.

23 Iyataati ami ishiyaami piwaha winihapipa sapaahi yamaati tiwathiati nga nyangi neti anditinyaihonihi Autaahaatihopi gwunyaawaati gaapundaati, ami nyami ambipati yatihhi newa ipihatisaati tiwa muwaati yaawihandi numwitihahireti noaipaitaise. Setihhi ami ishiya saiwi

gwinyaawaayopo, winihapipa sapa amittha gaahaiwa gwinyaahohirihiireti noaipati isihiyai gwinyaitaatihandit gaahandi nunyataise tiwi gwinyaawaayopo. Iyataahandi kandi winihapipa saiwa maarho jihomi maaritati gwinyaasawaiwa newaati yathiwa iphatitthaawi windi nga anditimaanyaiwitaise.

3

Nyah Kiraisihoaisati Maasi Aimi Japih Nepihaayo

¹ Autaahaatihom sangi Kiraisihoaisati maasi aimi ahosimashiyaatiti, ami sahi mihaati yamihapaatih Kiraisiho komi gwitihooatih Autaahaatihom gaatihiraihoanji bimimbipih kahapaamapipa ahotiwaiwaapawi daapi, ami kaiweti sami maarho amittha gwinyaahohitihandit nausawi mwitipisawi ahiyawise.

² Sami maarho amittha gwinyaahohitihandit nahandi mihaati autaahi Kiraisiho bimimbipih ahotiwaiweti mwitipisawi nausawi ahiyawise. Aiwisahi maapi yapipatambihaiweti windi nausawi ahiyawis minjatiwise.

³ Ami sahi utaaho wo napomasih komi ambipati yapipataatih yamwaa-hauhi noasandipatamataiwi aimi napomapi Kiraisihoaisawi maasitiwi komiheti noasandiw Autaahaatihooaisawitimaamaitawaayopo.

⁴ Sahi saiwi Kiraisihomiheti isihiya windi maasonihauhhandit noasandiw Autaahaatihooaisawitimaamaitauh Kiraisiho

sahi asi+yihyaati bimoh+tihandami sawaho tanyaahore. Sahi komiheti noasandohiho Kiraisihoai Autaahaatiho neti isihyaami ndiheti ausaimanati auta natausaasonihi nasati yapipataapihi noaipahonihura sangisangi koaisawi maasi komi apipaahi awaindihandi otiwa kambwaati awaindihandi nausainjitihandisawi noaipaitaapo. Noaipasahi ami ishiya kiyaami ndihaara sangi Kiraisihoaisawi ahoyawi jasondaapo.

*Nyahi Maarho Jahiho Jihomihapa
Namawaati Maarho Asoho Wanho Newaati
Wanhiyaanimatihacyo*

⁵ Isi ami sahi sami maarho jahiho jihomihapa maipihapa apipaahi titihimeti hapa maapi yapipatambihapa windi kamaiwi namapise. Nini sandi siyahaiwa kimaiwaapito ushiya ashiya namaatohitihandami ipaahaapi kiyaami ambipati kihiyaisawi timaamaitiwi ami ainjotahaiwa wiwa kaiwi ami maipihaiwa pihitiwi kaitaatiwi kiyaami omanjitihi windoti ngoti nehotati, ami ishiya usaamihapaapi nyamapaatitando, tiwi maarho omanjitihi windositihandapito. Sandi ishiya usaamihapaapi maarho omanjitihi maahoapati nanaapwitohtihandi sandi autaahaatiho jaipitahoai mepi autaahepumapi gaapundohitihandamatiyahande.

⁶ Sahi saiwa saiwi windi kamaiwise, ami Autaahaatihoai atihomaawiwi koai nepumapi ishiya saiwa kiyohiyihyaapi apowih wihoanhandi nawihomatiyati kiyai ipotihura numwitandihandi yihandi aimi taati nasataise.

7 Sahi jihura sami maarho jho jahihooatihimohura ishiya saiwa kiyohiyihiyaisawimaasitiwi sikaiwa kaimbiw+hiyaate.

8 Ami wan+hih+ sahi saiwa nahatewa kaiwaan+hih+ namamap+se. Sangi aposind+hand+ ami sami maarho oman+it+tihi+ nasinaamas+it+hand+, ami sami maarho maip+ho ishiya usa nep+ nop+sas+ndo tiwi m+maipaiwi+ gw+nyaahoh+it+hand+, ami utaaho wop+ ishiya ko gaahoe tiwi gw+nyaahoh+it+hand+ nep+ nop+sasiwi+ koai amb+pati maip+hat+ ishiyaami ndiheti numw+taatiwi+ gw+nyapeniwi+ isiwatawa katoh+waiwa, ami sami maar+hoaat+hi maip+haiwa ap+paah+ ainjotahapa gw+nyaap+ maahomwaan+api katoh+waiwa kaiwaan+hih+ namamap+se.

9 Sahi n+naason+hih+ ami n+naasaan+hih+ sami nais+hiya Kiraisihom+hiya usai p+wi+ha jaipund+wi+ kaund+wi+ kaman+wi+se. Ami saiwa sami maarho jah+ho j+hom+haiwaah+ sahi aimi namamap+ maarho wan+ho asoho nesihyaate.

10 Aiwi sahi aimi noaipap+ wan+hiyaati+ asiy+hiyaatimatawaayopo. Autaahaat+ho sawaho sangi neti wan+hiyaati+ asiy+hiyaatesamataise. Iyati Autaahaat+ho nasisoari sangi wan+haiwa gaahaiwa p+hitati kasisati+ nasanyati+ neti gisunyaataise, kaiwa gaahaiwa wan+haiwaah+hih+ sahi jinjap+hih+ gw+nyaitaatiwo. Ko saiwa gaahaiwa wan+haiwa kasisati+ neti gisunyaas+hih+ gaahaiwa wan+haiwaah+hih+ gw+nyaap+ noaipap+ wan+hiyaatimat+wi+ Autaahaat+ho sangi kiyati ahisis+hometir+hi+retap+haiwa taaw+ newaayopo,

ami siyawaaw+ sahi ap+paahi ak+it+in+hi kop+
gisunyaaton+hi mmondaat+wo.

¹¹ Ami kimandi sangi taati kasimatindimandi
kandapi sahi Autaahaat+hom+ is+hiyaat+
Kiraisihom+ nais+hiyaat+ mmot+in+w+
jat+inoh+r+ih+ret+ saiwi noaipawaayopo. Sahi us-
aat+ Judaahiyaanam+ dawaatap+hiyaat+met+w+,
ami usaat+ tit+hi+ sangi Judaahiyaat+met+w+,
ami usaat+ neh+ sangi yand+hi+ sam+ amb+pati
namandipati+w+hiyaat+met+w+, ami usaat+ sam+
amb+pati nahomaamandipap+hiyaat+met+w+,
ami usaat+ neh+ sangi yand+hi+ p+w+ha waat+w+
yap+pati w+taahap+hiyaat+met+w+, ami sahi
usaat+ ipataat+hap+hiyaat+met+w+, ami sahi
usaat+ utaaho wom+ ot+p+pati naw+ho owehat+
kawiwi kom+ as+mwaat+it+hap+hiyaat+met+w+,
ami usaat+ neh+ sangi nan+haiwi sam+ gw+nyaap+
maarithoh+r+ih+ret+ bitop+hiyaat+metawaayopo.
Iyataat+ Kiraisiho (sawaho) saiwa nahatewai
namaasat+ daahemat+ noaipat+ (awais+ho)
jihondaise. Iyataat+ kahapaamap+pa nahataa-
paamuni ami is+hiya nahatiyaamuni ko jih+tat+
ami ko is+hiyaan+ni kahatamat+petahiyaan+ni
nahatiyaan+ni kop+ giwunyaahohiy+hiyaanam+
oman+it+it+hi bindataise.

*Nyah+ Is+hiya Usais+ Maar+ho Ak+it+in+hi
Numwit+haawo*

¹² Ami Autaahaat+ho sahi tit+hi+ ap+paahiyaat+
kiyaat+in+hi kom+hiyaatimat+itaat+w+
nasam+ihainj+hi sahi aim+ noaipap+ kom+
is+hiyaatimatauhi, ami ko kom+ maar+ho sangi
ap+paahi awaind+hand+ ak+it+in+hi nasanyataise.

Isi ami sahi kimaiwa nepi isiwatiwi kaiwise. Sahi wonji waanji ami wowaatapi maarho asipaimbi asipinwi iwitatamanwi ami gaahati kainniwi itatamaninwise. Aiwahi sahi yatihhi ipatisanwi ishiya usaisawi nepi tunniwi mimumniwi yatihitwi bipi napaisaati bimaawi ami ishiya usa sangi mimaip+sisaihihiyaapi keti windi apomaasane.

¹³ Iyataati ami sami wongi utaaho wo wapa maip+hapa kahison+hi kop+piw+ha waisap+honj+taapaahi ami gaasi ami sandi maip+handami naanjwaiwa kinyi nepi awit+map+ utaaho maip+hapa kahis+hoai kapa kahimb+pa nepumape. Sami maip+haiwa Awais+ho K+rais+ Jisaasiho aimi nesamasihiyaatisi ami siri kireti sikaiwi usa sangi maip+hapa kasisoh+pi+pa nepumapise.

¹⁴ Saiwa saiwi sahi nga kiyawaawi ami kaiwaami autaahi wamwaanji ap+paahi j+hi awaind+handi sahi ishiya K+raisihomi nais+hiya Autaahaat+hom+ manyinyai maarho nunyawise, ami maarho nunyoh+ti+handi sandi nahataapai neti naasaimb+pi+hemati naasaimbaah+mat+ t+maamah+wati wapaapi windi nauset+metati an+isati isiwatataiso. Iyati wapaisi daahemati nusatip+haati ami wapa gaahapa nahataapai neti and+ti+wiwati isiwatih+ t+maamaitati ot+pi+pati kiyataise. Iyati sangi neti naasiyaatesamati tisamaamah+wataise.

¹⁵ Ami siyati K+raisihohi sangi neti yat+h+siwati napaisaatisamasihi, ami sahi yat+hit+wi napaisaati napair+h+ireti windi tunniwi ikw+n+wi it+h+man+wi bimaawise.

Saiwi binyaihi ami sandi Kiraisiho komi maarho omanjitihi titihi yatihwitat napaisaatitindihandi sangi nasamindihandi sangi sami maarhoaatih jainjatane. Ami sikaiwi sikireti daiwi windi tunniwi muniwi itihmaniw ususaati yatih napaisaat Kiraisihomi isihyaati (neh sangi samihapih) bimitaatiwi Autaahaatih gaatai nasamaati nasamahanati neti ahosihihyaatiso. Sahi bapawi nasisoari Autaahaatihoi, 'kinyi gaahone gaare,' undiwise.

16 Aiw Kiraisihomi piwaha wapa gaahaiwa anaahipipa nawiho nawihomi anjanj tisaitati ahotipatamatiyati sami maarho omanjitihi tisaitiwi nepi kipwiwise. Aiw sahi wonj waanj wo waati sahi gaahaiwa Kiraisiho nasamiwaiwa katiwunjawi, ami baiwi mmonipinjaw mwitipisaw kaiwunjawise. Aiw aunihihiri Autaahaatihomi utipihoaatih ahotirihiri aunihitiw ami Kiraisihomi isihyaati Autaahaatihomi manyinyaatami aunihihiri sami utipihoaatihapihiri aunihitiw ami aunihihiri wiwa Autaahaatihomi Itipihoni neti sami omanjitihi maarhoaatih gisunyaahonihiri aunihitiwise. Aunihitiw Autaahaatihoi mepi autaahepumapi sami maarho omanjitihi Autaahaatihoi kinyi gaahone gaare undiwise.

17 Aiw sami piwaha katiw ami piwaatohahaaraahuni, ami sami otipipati kiyohiwaiwaraahuni, ami wapa wapa nahataapa sahi kiyohipipa Awaisiho Jisasi Kiraisihomi ambipata kaiwi ami komi ambipati

sati kataahi nyami Apitho Autaahaatithoi
saundiwise, 'Kinyi gaahone gaare,' undiwise.

*Kiraisihopi Giwunyaahohiyihiyaanam
Nususapuni Ami Kiraisihomi Wanihiyaani
Asiyihiyaanimatohiyihiyaanapi Poritho Pwiha
Katindihandapahaare*

¹⁸ Sahi asihyaati ushiyai namaatohiyihiyaate,
sami swoyaami pwiha atiwii kiyaami
asimwaatitihini pinuwise, ami ushiya siya
sahi namaatiwi nususasaatami anjipihini
jatawaawi sapa saitahaawo tiwi pwiha kiya
jihimatiwi katawaatowo. Sahi saiwi saitaatiwi
Autaahaatitho mmonataati gaare, ami sahi aini
Kiraisihoai nunyanii niwipinjawihyaatiso.

¹⁹ Sahi ushiyaati aini namaatiwihyaate,
sami swwasihiyai wapa waapihundiwi kiyaami
maaritho omanjitihi neti niwinaamanahireti
wapa kawii kamundiwise.

²⁰ Manyiyaate, sahi sami sinia japiyaami
kasatohipipa nahataapa atiwii kaiwi kiyaami
otitihini pinuwise. Sahi manyiyaati Kiraisihoai
nunyanii kopii giwunyaahohiyihiyaati sami
sinia japiyaami pwiha kasatohipipa na-
hataapa kapa kaitaatiwihandapi Autaahaatitho
maarithati komi maaritho wiiwitataise.

²¹ Sahi manyiyaami sapiyaate, sami
manyiyaami maaritho omanjitihi nepi
niwinaamanii nusopisawii itihitiwi
apowitandihiretemaamapise. Ami wiwa kiya
saiwi itihitiwi, ami nyahi wapa gaahapa nga
wiiindi kamaito, tiwi gwinyapendaawo.

Otiṗipatihiyaapuni Ami Kiyaami Awaisawihyaapi Porho Katindihandapahaare

²² Sahi otipipatihiyaati utaaho wo sangi nasamaati nehi komi otipipatihiyaatesamati jainjaati bimih koaisawi bindawaawi komi otipipati nawiho owehati kawisohiyhiyaate, sangi jainjatisihomi pwiha kasatimbipa nahataapa atiwiwise. Ami sahi wiwa saiwi gwinyaapi nyangi nyainjatohiyhiya nyapi satiw, nyami otipipatihiya kimiya gaahiyaare, tiwi ginyunyaito tiwi kiya sami awaisawihya jainjatohiyhiya deti bitosaihhuraahih otipipati napitiwi kaitaawo. Sahi saiwi wndi kamaiwi ami kiya deti bitotawa jainjasaihhuraaro e ami kiya kaanhi waapihitiwi maasinjasahhuraaisangi napitiwi kiyaami otipipati nasisoari kawiwise, ami sahi sami Awaisiho Jisasi Kiraisihopi nga gaahireti ko gaahosi nyapi maarititaiso tiwi gwinyaapi kiyawaayowo, ami nehi ishiyaahih sapi kiya otipipati nga kanyisawaayopo, tiwi sapi maaritiwi jasondaatiwi sahi kiyawaamaayowo.

²³ Isi otipipati witi witi kiyawaahati baiwi napitiwi nawihaiwi kaiwase. Iyawaawi sahi ishiya Awaisiho Jisasi Kiraisihomi otipipati kawisohiyhiyaamataiwi sangi jainjatohiyhiyaami otipipati kawiwise, ami ishiya nehi ishiyaami maapi otipipati kawisohiyhiyaamataiwi sahi wndi kamaiwase.

²⁴ Ami sahi sangi jainjatisiho Kiraisihomi otipipati akitinhi kawisawaayopo. Isi ami sahi gwinyaapise. Ko Awaisiho sawaho sahi otipipati kop kawisohipipaapi wihooanjhapa

nawihomatiyatì Autaahaatìho Kìraisihomì isìhiyai numwìtandì namìhanatì ahaimbìpa gaahaiwa nasamìtaise. Amì sahì Kìraisihomì otìpìpatìhiyaatìtihì ko sangi akìtinìhì jainjatataiso.

²⁵ Autaahaatìho isìhiyaamì kiyohìwaiwa nehì naaso naasomìhetematì tiwìtapaatì naasaipitì katì kiyatì usonaahosì amì utaaho wo maipìhandì kaisìhoai kamwaanì wihooanìhandì yaawìhandì Autaahaatìho numwìtaise, nawìho otìpìpatì wapa kaimbìpaapì wihooanìhapa nesìpatamatiyato.

4

¹ Sahì iwìnjatohiyìhiyaate, samì otìpìpatìhiya nawìho namepì nehìhandì samì otìpìpatì kasiwì nehì otìpìpatìhatìmaimatohiyìhiyai sahì gaahatì kawiwì tìtìhì gaahìretì gaahapa kapaara samì otìpìpatì kasitaatìwìhapa nunyawì iwìtatamanìwìse. Sahì sawanaatì aimì mmonìwìhiyaate, sangisangi nehìhatìmaatì samì otìpìpatìhatìmaamataiwìhiyaatangi jainjatisìho Kìraisì Jisaasiho yamìhapataatìhì bindataise.

Andìtitaatì Gaapundaatì Tìtìhì Daitìhaawo

² Sahì wìndì namopì amì wìndì ikìmaanìwì naingaapì jatawaawì mwìtetìwì andìtatì napamapì kiyaatìtinìhì gaapundìwìse. Sahì Autaahaatìhoai pìwaundohìpìpaapì ahapaapì pìwaundaatì gaapundìhaayono, tìwì samì amìtìha biyatì nga jainjapwaatonìhì gwìnyaapìse. Gaapundawaawì gaarehandisawì ahoyawì Autaahaatìhoai saundìwìse, 'kinyì

gaahone gaare,' undiwi piwaundiwi gaapundiwise.

³ Autaahaathiho nyangi nyatatamanati anditinyaiwitandi sahi nyapimaawi gaapundiwise. Ko daihira nuwati japwaahonhi nyahi Kiraisihomi piwiha ausaitaani sahi koai nunjenwi piwaundiwise. Piwiha sa Kiraisihopiha jihura noasandishi wani aini auta noaipasihaaro. Iyataati ami piwiha ishiya atiwi naitaatiwihandapi poundihi ningi kiya nanipuwawaayopo.

⁴ Sahi nisapi gaapundiwise, ami nini Autaahaathiho komi piwiha awusaitandi gwinyaati maaritirihireti baidi nga awusaitaano.

⁵ Sahi ishiya Kiraisihopi windi giimaawunyaahohiyihiyaisawi bindawaahura sami amithi gaahireti gwinyaapi ami titihi gaahirethi sahi wapa kiyawaahapa kiyaami ndiheti kaiwise. Asishi auhurura wura sahi mmoniwi isiwatopi pa nepi namihiriwi baiwi isiwatawaawi Kiraisihometirihiretapi kop giimaawunyaahohiyihiyai piwaundiwi nunjawise.

⁶ Iyawaawi sahi nasisoari piwiha nehi gaahaahithi katiwise. Iyawaawi piwiha ishiya atitaatiwi maaritohihaahithi nasisoari katiwise. Aiw sahi baiwi gwinyaapise, ishiya sangi (wapaapi) nasisehohiyihiyai kiya nasisehohipipaami wihoanhandi titihi gaahireti kiya nga gwinyaitaatiwihireti kaundiataiwo.

*Porihō Tikikusiya Onesimaasiyai Natausaasih
Maisahuri Korosihandaahapi Nomaise*

7 Nini otipipati kiyohipatapi Tikikusiho nahataapa sangi kasatitaise. Tikikusiho so nyamatiyati Kiraisihopi giwunyaahosi nyami naisoho akohore. Iyati ko nyangisati maasi otipipati kiyataise. Iyati ami ko Awaisihomi otipipatiho akoho otipipati nga napaitati kiyahore. Iyati ko nyangisati maasi otipipati ninawipihhi kiyohiyihiyaanini koai maariho biyaati nga nunyaahore.

8 Nini Tikikusihoai nandusaasohitimandi tanyaaha kimaape. Ko sapi kiya ninapitaiwi bindawaayopo, tati daayati sangi jati jasondande. Iyati ami ko sangi Porihoisawihiya saiwi saiwi bindawaayopo satonihhi, ami sahi nisapuni naisihiya Kiraisihomi otipipati ningisawhi maasi kiyawa bimohiyihiyaapuni sahi gwinyaitaatiwihandhi nepi mmondaatiwe. Iyati ami ko sangi anditisahonihhi sami maariho wisaitonihhi sahi japihi maarititaatiwo.

9 Nini Onesimaasihoai Tikikusihoaisati maasi nandusoasataayoni kuri sangisenda maasi napitaise. Onesimaasiho so nyahi kimbihyaani Kiraisihomi naisihiyaani maariho apipaahi nga nunyaahore. Iyati ko apipaahi gaaho napaitarihore. Iyati ko sahi sawanaati Kiraisihopi giwunyaahohiyihiyaati Korosihyaatamihore. Nyahi Kiraisihomi otipipatihyaanini kimbihyaani Onesimaasiho apipaahi gaaho napaitarihotihhi kophi nga gwinyaawa usonaati koai autaahi newa isiwataahore. Ko Tikikusihoaisati maasi sangisenda napitaise.

Porihoh Kiraisihomih Naisihiya Korosihyai

Gaahuraare Undataase

10-11 Utaahingwaasi mur+mingwaasi ningisaw+ ningi and+tinipi ot+ip+pati maasi ninaw+pi+hi kiyaa+ti Autaahaat+ho komi is+hiyai winjatind+handi newaat+i awaindewaamaat+i kiyohingingwaasi Judaahiyaanam+hingwaasi neh+ mur+mingwaas+hi+he. Neh+ singwaas+hi+ ningi nga baiwi itataman+wi and+tin+wawaayopo. Iyataat+i ami s+kingwaasi maaw+ gaahuraare satawaatopo. Kingwaasami wo Aris+itakaasiho ningisa maasi naput+ha bimoh+ho sangi gaahuraare, satataase. Iyat+i ami kiyaa+mi wo Maak+ho Banapaasihom+ sanaimwaaho sangi gaahuraare, satataase. Iyataat+i so Maak+hop+ pi+w+ha aim+i sangi kasaton+hi (ami ko sangisenda nasonaah+i sah+i koai baiwi uson+wi numwaap+se). Ami kiyaa+mi wo Jas+itusiho (ami pi+w+ha Girik+haara Jisaasiho ti+w+ amb+hi+ti+w+ho) koai maaw+ sangi gaahuraare, satataase. Neh+ singwaas+hi+hi Judaahiyaami ot+ihat+hap+ (nepemait+wi) Jisaasihop+ gi+wunyaap+hingwaase. Singwaas+ nisi maar+ho oman+ti+ti+hi nep+ usaaniwi w+nipi yat+hi+nipi gaan+mawaayopo.

12 Iyataat+i Epap+iraasiho sah+i sawanaatami naisoho sangi gaahuraare, satataase. So Epap+iraasiso Kirais+i Jisaasihom+ ot+ip+pati kawis+ihore. Iyataat+i ko nasisoar+ sapi and+titat+i mw+ti+pisat+i gaap+sundat+i Autaahaat+hoai pi+waundat+i nunjenataise, ko sangi net+ and+tisaihon+hi sah+i sam+i Kirais+ihop+ gi+wunyaahoh+ti+handi an+tiwi is+ip+ bitopi, ami Autaahaat+hom+haiwa wapaap+i sah+i wind+i

nausetihimetiwi gaatiwi, ami Autaahaatiho gwinyaati maaritimbipa nahataapaapi sahi nga mmondaatiwo.

¹³ Ami nini niwahonini Epapiraasihoai iwinjahonihisangi jatatamanati anditisaiwitandi otipipati anditati napamati waati kairihiretapi nini sangi akite ndi kasatataato. Sahi Kiraisihomi isihyaati aunahipati awaipati Korosihandaahiyaatangisuni ami Kiraisihomi isihya aunahipati awaipati Reotesiyaahandaahiyaisuni, ami aunahipati awaipati Iraporisihandaahiyaisuni jatatamanitandi Epapiraasiho otipipati waati asakiyati pihitakiyataise.

¹⁴ Ami nisuni ningisawi maasi kimbihibimohiyihiyaamuni timbipaapi nyainjatisiho ami nyahi koai maariho apipaahi awaindihandi nunyaati biyaati giwunyaawaati usohohiho Rukihouni ami wo Demaasihouni kuri sangi gaahuraare, satamaase.

¹⁵ Nyahi kimbihibimohiyihiyaanamingaahuraarehandi nyami naisihya nyamataiwi Kiraisihopi giwunyaahohiyihiya aunahipati awaipati Reotesiyaahandaahiyaisuni, ami Kiraisihomi isihya Kiraisihomi naisaamaati Nimbaahaatami anjipipihihoyanowi Autaahaatihomi piwaha kanowi Autaahaatihoai mepi autaahepumapi piwaundiwi nahowisohiyihiyaisuni kanyundiwi nunyawise.

¹⁶ Sahi Korosihandaahiyaati kimandi utipimandi awitiwi atiw owetanihi, ami Reotesiyaahandaahiyaisangi nahatiyaami otihati awitiwi atitaatiwi kiyaapi nusoaasawise.

Aiwi ami nini utipihandi Reotesiyaahiyaapi nusoasohitihandisangi, ami sahi nepi awitiwi atiwise.

¹⁷ Saiwi ami sahi Arikipusihoai saundiwi kaundiwise. Ami kinyi Awaisiho Kiraisi Jisaasihoaisapi timaamaitipi bindapaapi kopu otipipati kawitaapi gi nangimhanwi nahinyohipatamihioanji kinyi mitiho nusoasapi kaimbi gaamapi owemape undiwise.

¹⁸ Nini Porihonini niwahonini nisi ikwira utipimandi kimandi sapi jipatiyayaayo. Ami sahi satwi, Porihonini sawaho komi ikwira utipimandi kimandi akiti jipatiyayaise, tiwi mmondaatiwo. Nini daahi naputiti bindataayoni ami sahi nisapi windi nanipimimatwi baiwi ginunyaapi gaapundiwise, ningi Autaahaatiho anditiniwati nitatamanitando. Ami nyami Awaisiho Kiraisi Jisaasiho sangi gaahandi kasitandi nini sapi gaapisundataayo.

Autahaatihomi Piwaha Gaaha Waniha
The New Testament in the Angaataha language of
Papua New Guinea
Nupela Testamen long tokples Angaataha long Niugini
copyright © 2004 Wycliffe Bible Translators, Inc.

Language: Angaataha

Translation by: PNG Bible Translation Association

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-17

PDF generated using Haiola and XeLaTeX on 28 Dec 2024 from source files dated 31 Aug 2023
b83b4d2c-30be-5f11-8fb0-fa04e4808bad